



USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja

selma@sogfbih.ba

• FINANSIJSKO SAVJETOVALIŠTE:

Gregor Jurišić, viši suradnik za financijska pitanja

gregor.juriscic@sogfbih.ba

KORISNI LINKOVI ZA FONDOVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

ODRŽAN SASTANAK NAČELNIKA USK U SVRHU PRIPREME ZA IZBORNU SKUPŠTINU SAVEZA

U Bijaču je 18.02.2021. održan sastanak predstavnika Saveza općina i gradova FBiH s načelnicima i gradonačelnicima iz Unsko-sanskog kantona, s ciljem predlaganja kandidata iz ovih jedinica lokalne samouprave u organe i tijela SOGFBiH. Ovo je prvi u nizu sastanaka u procesu pripreme Izborne skupštine SOGFBiH, na kojoj će se izabrati novi članovi organa i tijela SOGFBiH. U narednom periodu, ovi sastanci će biti održani i u ostalim kantonima/županijama.



Na sastanku se raspravljalo i o zakonskim propisima značajnim za lokalnu samoupravu poput Zakona o izmjenama i dopunama Zakona o principima lokalne samouprave u FBiH, Zakona o premjeru i registraciji nekretnina, Zakona o građevinskom zemljištu i ostalim relevantnim zakonima iz oblasti lokalne samouprave. Istaknuta je potreba i važnost zajedničkog djelovanja općina i gradova putem SOGFBiH, posebno u procesima lobiranja i zastupanja zajedničkih interesa jedinica lokalne samouprave pred višim razinama vlasti. Također je naglašeno da općine i gradovi iz USK imaju kvalitetnu saradnju sa SOGFBiH, koja će se nastaviti i u budućnosti.

DIREKTORICA SAVEZA URUČILA PRIZNANJE NAČELNIKU OPĆINE STARI GRAD SARAJEVO ZA OSTVARENI USPJEH U TRANSPARENTNOJ DODJELI SREDSTAVA ORGANIZACIJAMA CIVILNOG DRUŠTVA



U Općini Stari Grad Sarajevo, 19.02.2021. godine održan je radni sastanak direktorice Saveza općina i gradova FBiH, Vesne Travljanin i načelnika Općine Ibrahima Hadžibarića.

Ovom prilikom se razgovaralo o aktivnostima Saveza u proteklom periodu sa naglaskom na pitanje statusa neperspektivne vojne imovine u kontekstu podrške Saveza inicijativi državnog zastupnika Denis Zvizdića za donošenje Zakona o načinu raspolaganja neperspektivnom vojnom imovinom, a što je podržao i načelnik Hadžibarić.

Jačanje finansijske pozicije lokalne samouprave u FBiH putem izmjene sistema raspodjele javnih prihoda od indirektnih i direktnih poreza u FBiH, bila je jedna od tema sastanka.

Načelnik je pružio punu podršku nastojanjima Saveza za povećanjem udjela općina i gradova u raspodjeli prihoda od indirektnih poreza sa 8,42% na 9,81%, i povećanjem minimalnog udjela općina i gradova u prihodima od direktnih poreza.

Kao partnerska općina u ReLOaD Projektu, Općina Stari Grad Sarajevo jedna je od pet jedinica lokalne samouprave u BiH koja je u proteklom periodu ostvarila značajan uspjeh u transparentnom finansiranju organizacija civilnog društva iz budžeta.




Općina Stari Grad Sarajevo se ističe po dosljednosti u prakticanju dodjele grantova po LOD metodologiji i projektnim pristupom, odobravanjem manjeg broja projekata veće pojedinačne vrijednosti. Općina projektnim pristupom dodjeljuje sredstva udruženjima građana i sportskim organizacijama.

Također, jedna je od rijetkih JLS koja prije raspisivanja javnog poziva organizira konsultacije sa OCD o prioritetima koji će se finansirati kroz javne pozive, te ima izuzetno dobro razvijen monitoring sistem, koji i nakon učešća u projektu i dalje redovno primjenjuje za sve projekte finansirane kroz javni poziv.

U skladu sa ovim rezultatima, direktorica Saveza uručila je načelniku Priznanje za ostvareni uspjeh i napredak u transparentnoj dodjeli sredstava organizacijama civilnog društva koje se dodjeljuje u okviru ReLOaD projekta kojeg finansira Evropska unija a provodi Razvojni program Ujedinjenih nacija.

Direktorica Saveza je informisala načelnika Hadžibajrića i o trenutnim aktivnostima Saveza u procesu pripreme Izborne skupštine Saveza, u kontekstu predlaganja kandidata za organe i tijela Saveza.

ODRŽANA TREĆA WEB RADIONICA NA TEMU: „SARADNJA U OBLASTI TURIZMA I MOBILIZACIJA DIJASPORE U PREKOGRANIČNOJ OBLASTI“




U saradnji sa Centrom za ekspertizu pri Vijeću Evrope, Savez općina i gradova Federacije BiH i Savez opština i gradova Republike Srpske su organizirali treću radionicu „Saradnja u oblasti turizma i mobilizacija dijasporu u prekograničnoj oblasti“, koja je danas održana 26.02.2021. godine putem zoom platforme.

Predstavnici jedinica lokalne zajednice i predstavnici turističkih zajednica su imali priliku biti uključeni u virtuelnu studijsku posjetu na temu Prekogranična saradnja na lokalnom nivou u Irskoj i Sjevernoj Irskoj, dobre prakse u oblasti prekogranične saradnje.

Svrha radionice bila je razvoj šireg razumijevanja kompleksnosti i procesa prekogranične saradnje u sklopu alata i standarda Vijeća Evrope uz naglašavanje važnosti prekogranične saradnje i liderstva, ali i utvrđivanje narednih koraka i ideja za finansiranje i podršku implementaciji prekograničnih inicijativa. #SOGFBH #AMCFBIH #SOGRS #AMCRS #COE #CentreofExpertise

Naredna radionica je planirana da se održi 26.03.2021. godine

Načelnik je pružio punu podršku nastojanjima Saveza za povećanjem udjela općina i gradova u raspodjeli prihoda od indirektnih poreza sa 8,42% na 9,81%, i povećanjem minimalnog udjela općina i gradova u prihodima od direktnih poreza.



Grb Općine Stari Grad Sarajevo



POTREBNO JE JAČATI ZDRAVSTVENE SAVJETE OPĆINA I GRADOVA



Sa sastanka

U Sarajevu je, 4.02.2021. godine održan okrugli sto na temu „Kako povećati dobro zdravlje i dobrobit građana slijedeći principe Agende 2030 i trenutno stanje pandemije“. Predstavnici lokalnih zajednica iz Federacije BiH razmatrali su preporuke za uspostavu i unaprijeđenje rada zdravstvenih savjeta u FBiH.

Savez općina i gradova Federacije Bosne i Hercegovine je pokrenuo aktivnosti na uspostavi i unapređenju rada zdravstvenih savjeta lokalnih zajednica. Zdravstveni savjeti, njihovo funkcioniranje i umrežavanje su osnova za uspostavljanje zdravih gradova i općina koji brinu o zdravlju kroz intersektorski pristup u lokalnoj zajednici. U Evropskoj uniji, ali i u našem regionu, gradovi i općine sve više posvećuju pažnju temi zdravlja građana.

Direktorica Saveza općina i gradova FBiH, g-đa Vesna Travljanin, izjavila je da je inicijativa o uspostavljanju i unaprijeđenju rada zdravstvenih savjeta podržana na 4-toj sjednici Predsjedništva

Saveza općina i gradova FBiH. Ova inicijativa za cilj ima jačanje uloge i odgovornosti lokalnih zajednica u promociji i očuvanju zdravlja njihovih građana. Trenutne okolnosti (migracije, pandemija) su pokazale neophodnost veće uključenosti lokalnih zajednica po pitanju zdravlja i prevencije istog. Također, istaknuto je da je formiranje zdravstvenih savjeta pri općinama zakonska obaveza. Neophodno je da se zdravlje prepozna kao vrhunska vrijednost, potencijal i preduslov za razvoj zemlje, a da aktivnostima lokalnih samouprava ta poruka stigne do svih građana.

Predstavница Zdravstvenog savjeta Općine Centar, Dženana Škamo, istakla je da je za vrijeme pandemije COVID-19 Zdravstveni savjet ove sarajevske općine donio niz preporuka i sproveo mnoštvo aktivnosti s ciljem prevencije zdravlja građana, a otvoren je i info punkt.

Projektom je planirano da se uradi analiza stanja zdravstvenih savjeta na području Federacije BiH i da se razvije set preporuka za unaprijeđenje rada Savjeta.

Federalnim Zakonom o zdravstvenoj zaštiti propisano je osnivanje zdravstvenih savjeta na nivou lokalnih zajednica.

Navedene aktivnosti su dio projekta „Jačanje lokalnih kapaciteta za implementaciju Agende 2030 i principa Nikoga ne zapostaviti“ („Enhancing local capacities to implement the 2030 Agenda and the 'Leave No One Behind' Principle"), koji se provodi uz podršku NALAS-a (Mreža asocijacija lokalnih vlasti Jugoistočne Evrope) i GLZ-a (Njemačko društvo za međunarodnu saradnju).

Predstavnica

Zdravstvenog savjeta
Općine Centar, Dženana
Škamo, istakla je da je za
vrijeme pandemije
COVID-19 Zdravstveni
savjet ove sarajevske
općine donio niz
preporuka i sproveo
mnoštvo aktivnosti s
ciljem prevencije zdravlja
građana, a otvoren je i

CIK UTVRDIO DATUM ODRŽAVANJA PRIJEVREMENIH IZBORA ZA TRAVNIK I FOČU U FBiH

Centralna izborna komisija (CIK) Bosne i Hercegovine na današnjoj sjednici je donijela odluku o datumu održavanja prijevremenih izbora u općinama Travnik i Foča u FBiH i ponovnih izbora u Srebrenici i Doboju.

Izbori za načelnike općina Travnika i Foča u FBiH bit će održani 11. aprila.

Prijevremeni izbori se održavaju iz razloga što je u Travniku kandidat koji je dobio najviše glasova, Mirsad Peco preminuo na dan održavanja izbora 15. novembra prošle godine, a u Općini Foča u FBiH izabrani kandidat, Esed Radeljaš, je preminuo 18. januara nakon višesedmičnog liječenja u Sarajevu.



Izbori za načelnike

općina Travnika i Foča
u FBiH bit će održani 11.
aprila.

VLADA FEDERACIJE BIH PRIHVATILA INICIJATIVU OPĆINE KONJIC ZA DOBIJANJE STATUSA GRADA



historijske važnosti.

Danas je utvrđeno da Općina Konjic ispunjava jedan od uslova da gradom bude proglašena kao općina koja je od posebnog historijskog i kulturnog značaja, a u skladu s članom 5. stav 4. Zakonom o principima lokalne samouprave u FBiH. Za izradu Nacrta ovog zakona Vlada je odredila Federalno ministarstvo pravde.

USVOJENA STRATEGIJA RAZVOJA FBiH 2021.-2027.

Vlada Federacije BiH je također usvojila Strategiju razvoja Federacije BiH 2021.- 2027. koja će biti dostavljena Parlamentu FBiH radi razmatranja i konačnog donošenja.

Riječ je o integrisanom, multisektorskom strateškom dokumentu koji definira javne politike i usmjerava socioekonomski razvoj na teritoriji FBiH u narednih sedam godina. Ona je osnov za izradu mandatih i godišnjih programa rada Vlade FBiH, programa javnih investicija (PJ), trogodišnjih i godišnjih planova rada federalnih ministarstava i institucija, dokumenta okvirnog budžeta (DOB) i godišnjeg budžeta. Strategija je podloga za usklađivanje i izradu sektorskih i strategija razvoja kantona i jedinica lokalne samouprave.

Ovim dokumentom su definisana četiri strateška cilja i 18 prioriteta, a unutar ciljeva i prioriteta je definisano 78 mjera za implementaciju.

Prvi cilj je ubrzan ekonomski razvoj utemeljen na povećanju produktivnosti i zaposlenosti, a drugi prosperitetan i inkluzivan društveni razvoj. Kao treći je naznačen resursno efikasan i održiv razvoj, a četvrti je ubrzan društveni i ekonomski razvoj uz istodobno postizanje ekološke održivosti.

Izdvojeno je i devet ofanzivnih mjera koje najznačajnije utiču na rast privrede i zaposlenosti, što je razlika u odnosu na sve dosadašnje strateške dokumente u FBiH. Puna implementacija ovih devet mjera donosi rast BDP-a u od 9,2 do 13,7 posto godišnje. Prema procjenama, za implementaciju ovih mjera neophodno je obezbijediti oko 530 miliona KM u toku sedam godina, odnosno 75 miliona KM godišnje.

Inače, u procesu izrade Strategije i konsultacija bilo je uključeno oko 1.400 učesnika, što predstavlja novinu u odnosu na sve dosad urađene strateške dokumente Federacije BiH.

Strategija je pripremljena uz tehničku podršku Projekta integriranog lokalnog razvoja (ILDP), koji predstavlja zajednički projekat Vlade Švicarske i Razvojnog programa UN-a u BiH (UNDP). Savez općina i gradova FBiH aktivno učestvuje u ovom projektu. Podršku integriranju Ciljeva održivog razvoja u proces izrade Strategije pružila je Vlada Kraljevine Švedske. U pripremi analize stanja i definiranju mjera u oblasti pametne specijalizacije podršku je dala je Vlada Republike Češke u okviru partnerstva s UNDP-om za Ciljeve održivog razvoja. Dodatnu podršku je pružio njemački GIZ, koji u ime vlada Njemačke i Ujedinjenog Kraljevstva provodi "Program jačanja javnih institucija u BiH".

Budući da Federacija BiH dosad nije imala strategiju razvoja, Federalna vlada je Odluku o izradi ovog važnog dokumenta donijela na 156. sjednici održanoj 13.9.2018. godine.

Vlada Federacije BiH je na 256. sjednici koja je održana 18.02.2021. godine u Sarajevu razmatrala i prihvatila inicijativu za izradu i donošenje Zakona o Gradu Konjic, koju je podnijela Općina Konjic. U obrazloženju inicijative je navedeno da Općina Konjic ima bogato kulturno-historijsko i prirodno naslijeđe, te da je Komisija za očuvanje nacionalnih spomenika BiH i u posljednjih nekoliko godina iz ove općine na listu uvrstila više od 50 spomenika od izuzetne kulturne i

Utvrđeno je da Općina Konjic ispunjava jedan od uslova da gradom bude proglašena kao općina koja je od posebnog historijskog i kulturnog značaja, a u skladu s članom 5. stav 4. Zakonom o principima lokalne samouprave u FBiH

Prema procjenama, za implementaciju ovih mjera neophodno je obezbijediti oko 530 miliona KM u toku sedam godina, odnosno 75 miliona KM godišnje.

Strategija je pripremljena uz tehničku podršku Projekta integriranog lokalnog razvoja (ILDP), u čemu je učešće uzeo i Savez općina i gradova FBiH

SAČINITI PREDNACRT ZAKONA O JAVNO-PRIVATNOM PARTNERSTVU



Federalna vlada se upoznala sa informacijom o izradi teksta Zakona o javno-privatnom partnerstvu Federacije BiH.

Federalno ministarstvo energije, rudarstva i industrije zaduženo je da radnu verziju teksta Zakona o javno-privatnom partnerstvu FBiH uputi federalnim ministarstvima finansija, prometa i komunikacija, prostornog uređenja, razvoja, poduzetništva i obrta, okoliša i turizma, te zdravstva, kao i Agenciji za privatizaciju u FBiH, koji su u obavezi svoja mišljenja sa eventualnim primjedbama, prijedlozima i sugestijama dostaviti u roku od 30 dana. Ovo ministarstvo je zaduženo i da, nakon isteka roka za dostavu mišljenja, sačini tekst Prednacrt zakona o javno-privatnom partnerstvu i u roku od 30 dana uputi ga na davanje mišljenja u skladu s Poslovníkom o radu Vlade FBiH.

POČINJE IZRADA STRATEGIJE ZA PREVENCIJU I BORBU PROTIV NASILJA U PORODICI 2021.-2027.

Vlada FBiH je donijela Odluku o pokretanju procesa izrade Strategije za prevenciju i borbu protiv nasilja u porodici 2021.-2027., kao multisektorskog strateškog dokumenta koji sadržavati prioritete i razvojne pravce definirane u relevantnim domaćim i međunarodnim dokumentima.

Nosilac izrade Strategije je Gender Centar FBiH, uz učešće Federalnog zavoda za programiranje razvoja. Učesnici u procesu izrade Strategije su i nadležne institucije FBiH, kantona i jedinica lokalne samouprave, te relevantni partneri.

UTVRĐEN PRIJEDLOG ZAKONA O IZMJENI ZAKONA O MATIČNIM KNJIGAMA


Vlada FBiH je, na 257. sjednici koja je održana 25.02.2021. godine u Mostaru, na prijedlog Federalnog ministarstva unutrašnjih poslova, utvrdila i, u parlamentarnu proceduru usvajanja po skraćenom postupku, uputila Prijedlog zakona o izmjeni Zakona o matičnim knjigama. Na taj način je izvršena presuda kojom je Ustavni sud FBiH utvrdio da je članom 72.a Zakona o matičnim knjigama povrijeđeno pravo Općine Maglaj na lokalnu samoupravu. Stoga je zmiijenjenim članom propisano da poslovi vođenja, ažuriranja, čuvanja i rješavanja svih pitanja u oblasti matičnih knjiga i registra predstavljaju izuzetno važan i poseban javni i lični interes građana.

Kako je ovom izmjenom utvrđeno, budući da se radi o osnovnim i najvažnijim evidencijama o ličnim stanjima građana FBiH, pa se moraju obavljati uz stalni pojačani stepen psihičkog i fizičkog napora i odgovornosti matičara i drugih državnih službenika i namještenika u obavljanju tih poslova, koji moraju biti tačni i ažurni, uvećanje plaće zbog posebnih uvjeta rada mogu ostvariti u skladu s posebnim propisom kojim regulira pitanje plaća i naknada državnih službenika i namještenika i finansijskim sredstvima organa uprave.

Vlada je također, na prijedlog Agencije za državnu službu u FBiH, usvojila i Strategiju za stručno usavršavanje u organima državne službe u FBiH za period od 2021. do 2027. godine.

Vlada FBiH je utvrdila Prijedlog zakona o izmjeni Zakona o matičnim knjigama u dijelu gdje se propisuje da poslovi vođenja, ažuriranja, čuvanja i rješavanja svih pitanja u oblasti matičnih knjiga i registra predstavljaju izuzetno važan i poseban javni i lični interes građana.

NAČELNIK HADŽIBAJRIĆ DOBITNIK JUBILARNE NAGRADE ZA ŽIVOTNO DJELO



Grb Općine Stari Grad Sarajevo

Općinski načelnik mr Ibrahim Hadžibajrić dobitnik je Jubilarne nagrade za životno djelo za izvanredne rezultate u razvoju Općine Stari Grad i stvaranje ambijenta za biznis, doprinos afirmaciji općine, kontinuirano ulaganje u infrastrukturu i dugogodišnje prosperitetno vođenje Općine u interesu građana i biznisa.

Jubilarna nagrada načelniku Hadžibajriću uručena je na današnjoj dodjeli Agencije za izbor najmenadžera BiH, Jugoistočne i Srednje Evrope, održanoj u Hotelu Holiday.



Evropski nezavisni žiri, sastavljen od uglednih evropskih i svjetskih menadžera, naučnih i javnih radnika, te ranijih dobitnika nagrade sa šireg prostora regiona, donio je jednoglasnu odluku o dodjeli jubilarne nagrade za životno djelo općinskom načelniku mr Ibrahimu Hadžibajriću zbog izuzetnih zasluga za razvoj Općine Stari Grad, te za regionalnu, kulturnu i prijateljsku saradnju sa drugim općinama, gradovima i državama, kao i za konkretne rezultate rada i doprinos dugogodišnjem razvoju ove općine.

Donoseći odluku o nagradi, žiri je imao u vidu velike zasluge i doprinos načelnika Hadžibajrića svim pozitivnim procesima, širenju optimizma, biznisa, prijateljstva i saradnje bez granica, zbog čega je, kako se navodi iz Direkcije, i zaslužio evropsku jubilarnu nagradu svih nagrada, uz napomenu da samo određeni broj ljudi može dobiti ova priznanja. Svečano uručenje nagrada, putem video linka, otvorio je bivši hrvatski predsjednik Stjepan Mesić.

Za načelnika Općine Stari Grad mr Ibrahim Hadžibajrić prvi put je izabran na lokalnim izborima 2008. godine i od tada do danas niže priznanja za svoj rad. Nadmoćnu pobjedu u izboru za načelnika Općine Stari Grad odnio je još tri puta: na lokalnim izborima 2012, 2016, kao i 2020. godine.

Načelnik Ibrahim Hadžibajrić je dva puta proglašen najnačelnikom u BiH 2010. i 2018. godine. Evropski pokret u BiH proglasio ga je 2010. godine Evropskim načelnikom FBiH, a 2016. godine izabran je za NAČELNIKA DECENIJE u BiH. Pripalo mu je i priznanje Večernjakov pečat za lokalnog lidera godine, 2015. godine.

U julu, 2019. godine za rad na jačanju i izgradnji lokalne zajednice, razvoju infrastrukture, privrede, stvaranju pozitivnog okruženja za pokretanje biznisa i otvaranju općine za velike investicije općinskom načelniku mr Ibrahimu Hadžibajriću pripalo je priznanje Evropskog najnačelnika decenije, na izboru najmenadžera i najkompanija BiH, jugoistočne i srednje Evrope.

Prema rezultatima portala istinomjer.ba iz 2020. godine, općinski načelnik mr Ibrahim Hadžibajrić ispunio je najviše predizbornih obećanja datih građanima za mandatni period 2016 – 2020. Općina Stari Grad Sarajevo je, pod njegovim rukovodstvom, tri puta proglašena najtransparentnijom i najotvorenijom općinom u BiH, 2018, 2019. i 2020. godine.

<http://stariograd.ba/>

WEBINAR NA TEMU MOBILNIH OUTREACH TIMOVA

Savez općina i gradova FBiH najavljuje održavanje webinar na temu pristupa za poboljšanje socijalnih usluga na lokalnom nivou, s posebnim naglaskom na outreach i usluge mobilnih timova za ranjive grupe.

Domaćin webinar su savezi lokalnih vlasti iz BiH: Savez općina i gradova Federacije BiH i Savez opština i gradova Republike Srpske. Webinar je prilika za stjecanje znanja o:

- Konceptu mobilnih i "outreach" usluga i njihovom utjecaju na individualnom, lokalnom i centralnom nivou
- Ključnim akterima uključenim u pružanje navedenih usluga i načinu na koji jedinice lokalne samouprave mogu podržati ove usluge
- Primjerima dobre prakse i njihovom doprinosu ciljevima održivog razvoja na lokalnom nivou

Webinar će se održati 4. marta 2021. godine, u 11h na ZOOM platformi. Registracija se može izvršiti putem sljedećeg linka: https://zoom.us/webinar/register/WN_zOqJraiHQ2CbfgDeeUKRhA

Webinar će biti održan na engleskom jeziku, uz omogućen simultani prevod na srpski, albanski i makedonski jezik. Webinar je aktivnost NALAS projekta „Jačanje lokalnih kapaciteta za implementaciju Agende 2030 i principa Nikoga ne zapostaviti“, koji sprovode asocijacije lokalnih vlasti Zapadnog Balkana u saradnji sa regionalnim projektom „Socijalna prava za ugrožene grupe“. Regionalni projekat provodi Njemačko društvo za međunarodnu saradnju (GIZ) u ime Saveznog ministarstva za ekonomsku saradnju i razvoj (BMZ).

Za sve dodatne informacije, molimo Vas da kontaktirate koordinatore projekta Lunu Seković, putem maila luna@sogfbih.ba ili telefona 033 216 502.

*Načelniku Hadžibajriću
dodjeljena je nagrada
zbog izuzetnih zasluga
za razvoj Općine Stari
Grad, te za regionalnu,
kulturnu i prijateljsku
saradnju sa drugim
općinama, gradovima i
državama, kao i za
konkretno rezultate rada
i doprinos dugogodišnjem
razvoju ove općine.*

DA LI STE
**UPOSLENIK
OPĆINE**
SPREMAN DA USPOSTAVI
**USLUGE MOBILNIH
TIMOVA/OUTREACH**
U SVOJOJ OPĆINI?

WEBINAR
**Outreach i
mobilni timovi**
dostupne, pristupačne
usluge orijentisane na
korisnike, za
zapostavljene grupe

**Imat ćete priliku da
steknete znanja o:**

- Konceptu mobilnih i "outreach" usluga i njihovom utjecaju na individualnom, lokalnom i centralnom nivou
- Ključnim akterima uključenim u pružanje navedenih usluga i načinu na koji jedinice lokalne samouprave mogu podržati ove usluge
- Primjerima dobre prakse i njihovom doprinosu ciljevima održivog razvoja na lokalnom nivou

Četvrtak, 04. mart 2021
11:00 – 13:00 (CET)
ZOOM

Registrujte se ovdje:
https://zoom.us/webinar/register/WN_zOqJraiHQ2CbfgDeeUKRhA

Organizirano u okviru projekta „Jačanje lokalnih kapaciteta za implementaciju Agende 2030 i principa Nikoga ne zapostaviti“ koji sprovode asocijacije lokalnih vlasti Zapadnog Balkana u saradnji sa regionalnim projektom „Socijalna prava za ugrožene grupe“. Regionalni projekat provodi Njemačko društvo za međunarodnu saradnju (GIZ) u ime Saveznog ministarstva za ekonomsku saradnju i razvoj (BMZ).

*Webinar na temu
pristupa za poboljšanje
socijalnih usluga na
lokalnom nivou, s
posebnim naglaskom na
outreach i usluge
mobilnih timova za
ranjive grupe.*

POZIV ZA PRIVREMENI RADA U KONGRESU LOKALNI I REGIONALNI VLASTI VIJEĆA EVROPE

Na proljetnoj sjednici, Kongres će validirati nove delegacije i odabrati novog izvršioca. Također će se raspravljati i glasati o prioritetima Kongresa za novi mandat (2021-2026), te će se usvojiti preporuka o Programu i Budžetu Vijeća Evrope za naredne dvije godine. Pored finansijskih sredstava koja su predviđena redovnim budžetom, Kongres uživa i konkretnu podršku kroz upućivanje zvaničnika u svoju kancelariju u Strasbourgu na period od 1-2 godine.

Kongres obaviještava države članice da imaju mogućnost da pošalju svoje službenike na privremeni rad u oblastima koja pokrivaju područja odgovornosti općina, gradova i regija. Traže se stručne osobe iz sljedećih oblasti:

- Programski menadžer za ljudska prava i migracije
- Službenik za omladinsku politiku
- Programski menadžer za Evropsku sedmicu lokalne demokratije
- Programski menadžer za aktivnosti saradnje
- Službenik za posmatranje izbora

Rok za podnošenje prijave je 28. februar 2021. godine. Sve dodatne informacije, uključujući detaljne opise poslova, možete pronaći na sljedećem linku: <https://bit.ly/3bWiQVe>

Za sve dodatne informacije, na raspolaganju stoji g-din Michael Larsen, šef Odjela za administraciju. (e-mail adresa michael.larsen@coe.int)

NAJAVA OBILJEŽAVANJA DANA OPĆINA / GRADOVA ZA MJESEC MART / OŽUJAK

06. mart/ožujak - Dan Općine Hadžići. Taj dan se obilježava kao znak sjećanja na 6. mart 1996. godine, kada je izvršena reintegracija dijelova općine Hadžići koji su bili okupirani tokom agresije na Bosnu i Hercegovinu.

10. mart/ožujak - Dan Općine Doboj Istok. Ovaj datum je izabran jer je na taj dan 1998. godine stupio na snagu Zakon o konstituiranju novih općina u FBiH i izmjeni područja općina podjeljenih međuentitetskom i međikantonalnom / međužupanijskom crtom ("Sl. novine FBiH", br. 6/98) kojim je formirana Općina Doboj Istok.

10. mart/ožujak - Dan Općine Teočak. Ovaj datum je izabran jer je na taj dan 1998. godine stupio na snagu Zakon o konstituiranju novih općina u FBiH i izmjeni područja općina podjeljenih međuentitetskom i međikantonalnom / međužupanijskom crtom ("Sl. novine FBiH", br. 6/98) kojim je formirana Općina Teočak.

12. mart/ožujak - Dan Općine Ilidža. 12. marta 1996. godine, provodeći odredbe Dejtonskog mirovnog sporazuma, realizirana je mirna reintegracija područja općine Ilidža.

15. mart/ožujak - Dan Općine Dobretići.

17. mart/ožujak - Dan Općine Trnovo. Na ovaj dan 1996. godine izvršena je reintegracije područja općine Trnovo.

18. mart/ožujak - Dan Općine Fojnica. Ovaj datum je uzet za obilježavanje Dana Općine jer se u dokumentima dubrovačkih trgovaca na taj dan 1365. godine prvi put spominje grad Fojnica.

18. mart/ožujak - Dan Općine Sapna. Ovaj dan je uzet za obilježavanje Dana Općine zato što je tog dana 1998. godine održana prva sjednica Općinskog vijeća novoformirane Općine Sapna.

19. mart/ožujak - Dan Općine Foča-Ustikolina. Na ovaj dan 1996. godine izvršena je reintegracije dijela područja općine.

20. mart/ožujak - Dan Grada Zenica. Na taj dan 1436. godine Zenica je prvi put spomenuta u dokumentu kojim se dubrovačkim trgovcima omogućava slobodno kretanje i poslovanje na području Bosne.

21. mart/ožujak - Dan Općine Doboj Jug je 21. mart, kada je 1998. godine održana prva Konstituirajuća sjednica Općinskog vijeća nakon proglašenja - uspostavljanja novih općina. Također, na ovaj dan 1993. godine Armija RBiH je zaustavila veliku neprijateljsku ofanzivu u Bici na Karušama, tzv.tenkovska bitka u kojoj su jedinice 203. Slavne motorizovane brigade ARBiH "Doboj-Bosna" uništili osam tenkova i tri transportera bivše JNA, odn.vojske tzv. RS-a.

21. mart/ožujak - Dan Općine Travnik.




USKORO NOVA WEB STRANICA SAVEZA OPĆINA I GRADOVA FEDERACIJE BOSNE I HERCEGOVINE

Savez općina i gradova Federacije BiH ušao je u završnu fazu izrade nove web stranice.

Sadašnja web stranica izrađena je 2011. godine i sadržajno još uvijek u potpunosti zadovoljava potrebe Saveza. Međutim, kako je tehnologija napredovala i mnogi dijelovi stranice su u tehnološkom smislu zastarjeli, a provajderi ne omogućavaju update, zbog čega nekom sadržaju nije moguće pristupiti, Savez se odlučio da pristupi izradi nove web stranice.

Nova stranica će grafički i vizuelno sadržavati elemente nove grafičke karte Saveza i pružati korisnicima lakši i brži pristup sadržaju.

Očekujemo da će stranica biti aktivna u drugom kvartalu ove godine, dok će prenos sadržaja sa stare stranice trajati duži period.



Gledajte Savez općina i gradova
Federacije Bosne i Hercegovine na



facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.